

Na osnovu člana 61. stav (2) Zakona o upravi ("Službeni glasnik BiH", br. 32/02, 102/09 i 72/17), ministar spoljne trgovine i ekonomskih odnosa Bosne i Hercegovine, d o n o s i

UPUTU

ZA IZDAVANJE CERTIFIKATA O PORIJEKLU ROBE (FORM A) ZA ROBE – VOĆE I POVRĆE KOJE SE IZVOZE PRIMJENOM GSP-PREFERENCIJALNOG REŽIMA RUSKE FEDERACIJE PREMA BiH

1. Ovom Uputom se pored postojećih procedura koje se sprovode u Bosni i Hercegovini za izdavanje certifikata o porijeklu robe (FORM A) u skladu sa Protokolom za osiguranje fitosanitarnih zahtjeva između Ministarstva spoljne trgovine i ekonomskih odnosa Bosne i Hercegovine i Federalne službe za veterinarski i fitosanitarni nadzor Ruske Federacije prilikom međusobnih isporuka proizvoda visokog fitosanitarnog rizika, po Sporazumu o Pravilima opredjeljenja porijekla robe iz zemalja u razvoju i najmanje razvijenih i Odlukama Međunarodnog savjeta Evroazijske ekonomske zajednice i Komisije carinske unije Republike Bjelorusije, Republike Kazahstana i Ruske Federacije, detaljnije upućuje na postupanje prilikom popunjavanja i izdavanja certifikata o porijeklu robe (FORM A).
2. Pored dokumentacije, propisane navedenim Pravilima i Odlukama Komisije carinske unije (Republike Bjelorusije, Republike Kazahstan i Ruske Federacije), koja se prilaže da bi se dobio Certifikat o porijeklu robe (FORM A) obavezno se, uz propisno popunjen zahtjev od strane izvoznika, prilaže dodatna dokumentacija i to:
 - a) Potvrda o upisu izvoznika u Evidenciju/registar proizvođača (farmera) i izvoznika za Rusku Federaciju proizvoda visokog fitosanitarnog rizika, izdatu od strane Uprave BiH za zaštitu zdravlja bilja.
 - b) Izjava ili drugi dokaz izvoznika - proizvođača kojom se za robu visokog fitosanitarnog rizika koja je predmet izvoza u Rusku Federaciju garantuju tačni i istiniti podaci o:
 - vrsti proizvodnje;
 - sortimentu;
 - površini proizvodnje;
 - broju stabala; i
 - količini vlastite proizvodnje.
 - c) Potvrda ili drugi odgovarajući dokument, izdat od strane Ministarstva poljoprivrede, šumarstva i vodoprivrede Republike Srpske ili Federalnog ministarstva poljoprivrede, vodoprivrede i šumarstva ili Odjela za poljoprivredu, vodoprivredu i šumarstvo Brčko Distrikta BiH o upisu u registar poljoprivrednih gazdinstava (RPG) izvoznika odnosno poljoprivrednih proizvođača sa kojim je izvoznik sklopio ugovor, a koja za robu visokog fitosanitarnog rizika koja je predmet izvoza u Rusku Federaciju sadrži podatke o:
 - površini proizvodnje po vrstama;
 - vrsti proizvodnje;
 - sortimentu; i
 - količini proizvoda.

- d) Za izvoznike koji imaju organizovanu vlastitu proizvodnju obavezno se prilaže i :
- Kartica materijalnog knjigovodstva sa početnim stanjem iz ranijeg obračunskog perioda, sa prometom (datumom izlaza i ulaza) izvozne robe sa preferencijalnim tretmanom, uz knjigovodstveno-finansijske dokumente koji su služili za knjiženje promjena na zalihama izvozne robe.
- e) Za izvoznike koji se bave trgovinom – izvozom roba primjenom GSP – preferencijalnog režima Ruske Federacije prema BiH, obavezno se uz propisanu izjavu prilaže i:
- Kartica materijalnog knjigovodstva dobavljača od kojeg kupuju robu, sa početnim stanjem iz ranijeg obračunskog perioda, sa prometom (datumom izlaza i ulaza) izvozne robe sa preferencijalnim tretmanom, uz knjigovodstveno-finansijske dokumente koji su služili za knjiženje promjena na zalihama izvozne robe (otkupne blokove, fakture i dr.).
- f) Izjava ovlaštenog lica izvoznika da li kupuje na bosanskohercegovačkom tržištu ili uvozi voće i povrće iz Evropske unije. Ukoliko je odgovor potvrđan, treba navesti da li je u skladišnom prostoru voće i povrće kupljeno na bosanskohercegovačkom tržištu ili uvezeno iz Evropske unije fizički odvojeno od voća i povrća uzgojenog u Bosni i Hercegovini.
3. Zahtjev za kompletnom dokumentacijom izvoznik podnosi Spoljnotrgovinskoj komori BiH koja je ovlaštena za izdavanje Certifikata o porijeklu robe (FORM A) na osnovu Zakona o carinskoj politici u BiH.
- Nakon detaljne provjere priložene dokumentacije uz zahtjev, Spoljnotrgovinska komora BiH izdaje Certifikat o porijeklu robe (FORM A).

Broj: 01-02-971/18
Sarajevo, 09.03.2018.godine



MINISTAR

Mirko Šarović
Mirko Šarović